



1105

01

Broj: 08-sl.- 89/18  
Ilidža, 08.06.2018.god.

OPĆINA ILIDŽA  
OPĆINSKO VIJEĆE

**Predmet:** Dostava Informacije

U prilog dopisa dostavljamo Vam Informaciju o socijalnoj zaštiti na području Općine Ilidža, položaju građana u stanju socijalne potrebe, te položaju djece i omladine s posebnim potrebama za dalju procedure.

S poštovanjem,

Prilog: Informacija

Dostaviti:  
1 Naslovu  
2. a/a

POMOĆNIK OPĆINSKOG NAČELNIKA  
Službe za rad, socijalna pitanja, zdravstvo  
izbjeglice i raseljena lica

*Sejda Topalović*  
Sejda Topalović, dipl.ecc.





Broj: 08-sl.- 88/18  
Ilidža, 08.06.2018.god.

OPĆINA ILIDŽA  
OPĆINSKI NAČELNIK



**Predmet:** Dostava Informacije na saglasnost

U prilog dopisa dostavljamo Vam Informaciju o socijalnoj zaštiti na području Općine Ilidža, položaju građana u stanju socijalne potrebe, te položaju djece i omladine s posebnim potrebama, na saglasnost za dalju procedure.

S poštovanjem,

Prilog: Informacija

Dostaviti:  
1 Naslovu  
2. a/a

POMOĆNIK OPĆINSKOG NAČELNIKA  
Službe za rad, socijalna pitanja, zdravstvo  
izbjeglice i raseljena lica  
*Sejda Topalović*  
Sejda Topalović. dipl.ecc.



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK

SLUŽBA ZA RAD, SOCIJALNA PITANJA,  
ZDRAVSTVO, IZBJEGLICE I RASELJENA LICA



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR

LABOUR, WELFARE, HEALTH, REFUGEES AND  
DISPLACED PERSONS DEPARTMENT



**INFORMACIJA O SOCIJALNOJ I ZDRAVSTVENOJ ZAŠTITI NA PODRUČJU  
OPĆINE ILIDŽA, POLOŽAJU GRAĐANA U STANJU SOCIJALNE POTREBE, TE  
POLOŽAJU DJECE I OMLADINE SA POSEBNIM POTREBMA**

NOSILAC IZRADE MATERIJALA :

Služba za rad, socijalna pitanja, zdravstvo,

Izbjeglice i raseljena lica

**Ilidža , Juni 2018.godine**

Programom rada Općinskog vijeća za 2018.godinu za period juni-septembar planirano je razmatranje materijala Informacija o socijalnoj i zdravstvenoj zaštiti na području općine ilidža, položaju građana u stanju socijalne potrebe, te položaju djece i omladine sa posebnim potrebama kojim je za nosioca pripreme materijala definisana Služba za rad socijalna pitanja, zdravstvo izbjeglice i raseljena lica i Službe socijalne zaštite. U pripremi materijala korišten je materijal: Zakon o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16), Zakon o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14 - Prečišćeni tekst -, 38/16 i 44/17), Zakon o zdravstvenoj zaštiti ("Službene novine Federacije BiH", broj: 46/10). Pored navedenih zakona u primjeni je Porodični zakon FBiH ("Službene novine Federacije BiH", br. 35/05 i 41/05), Zakon o zaštiti od nasilja u porodici ("Službene novine Federaciji BiH" broj 22/05), Zakon o zaštiti osoba sa duševnim smetnjama ("Službene novine Federacije BiH" broj 37/01, 40/02, 52/11 i 13/13), Zakon o zaštiti i postupanju sa djecom i maloljetnicima u krivičnom postupku FBiH ("Službene novine FBiH" broj 7/14) i Zakon o ustanovama socijalne zaštite ("Službene novine R BiH" br. 6/92, 8/93 i 13/94). Osim zakonskim propisima, pojedina pitanja u oblasti socijalne zaštite, zaštite civilnih žrtava rata i zaštite porodice sa djecom u navedenim oblastima regulisana su podzakonskim aktima koje donosi Vlada Kantona Sarajevo na prijedlog resornog Ministarstva za rad, socijalnu politiku, raseljena lica i izbjeglice (u daljem tekstu: Ministarstvo). Ministarstvo donosi akte na temelju kojih se provode kantonalni propisi. Kantonalni zakon je u cijelosti usklađen sa Federalnim zakonom po pitanju osnova socijalne i dječije zaštite i kategorija korisnika prava, osnivanja i rada ustanova socijalne zaštite, finansiranja i drugih pitanja od značaja za ostvarivanje prava iz socijalne zaštite, zaštite civilnih žrtava rata i zaštite porodice sa djecom. Iznosi novčanih davanja po pravima, uslovi i postupak za ostvarivanje prava i njihovo korištenje, uređeni su Kantonalnim zakonom. U odnosu na Federalni zakon, Kantonalnim zakonom proširene su kategorije korisnika socijalne zaštite i na osobe i porodice koje bi svoju socijalnu sigurnost trebale ostvarivati u skladu sa članom 9. ovog zakona, a ta primanja nisu dovoljna za podmirenje njihovih osnovnih životnih potreba i osobe izložene zlostavljanju i nasilju u porodici čime je sistemski riješena njihova zaštita. Sredstva za finansiranje socijalne zaštite i zaštite porodice sa djecom osiguravaju se iz Budžeta Kantona Sarajevo dok se sredstva za finansiranje zaštite civilnih žrtava rata obezbjeđuju iz Budžeta Kantona Sarajevo (30 %) i Budžeta Federacije BiH (70 %). Tuđa njega i pomoć za osobe sa invaliditetom finansira se u cjelini (100 %) iz budžeta FBiH. Osnovica za utvrđivanje novčanih i drugih davanja u skladu sa Kantonalnim zakonom u oblasti socijalne i dječije zaštite je prosječna neto plaća ostvarena u Kantonu Sarajevo u prethodnoj kalendarskoj godini 19 pomnožena sa odgovarajućim koeficijentom koji Vlada Kantona svojim aktom utvrđuje za svaku kalendarsku godinu, s tim da osnovica ne može biti manji od one utvrđene u prethodnoj godini, dok se osnovica za utvrđivanje novčanih davanja u oblasti civilnih žrtava rata veže za boračko-invalidsku zaštitu. Od 2002. godine, od kada je u primjeni Kantonalni zakon, isti je mijenjan, odnosno dopunjavan osam puta s ciljem poboljšanja stanja u oblasti socijalne i dječije zaštite i pojašnjavanja pojedinih odredbi, odnosno usklađivanja sa izmjenama Federalnog zakona. Izmjene nisu bile usmjerene na smanjenje obima utvrđenih prava, niti utvrđenu visinu naknada po pravima.

Pored navedenog za pripremu materijala korišteni su sledeći dokumenti:

- Analiza nedostataka u oblasti politika socijalne zaštite i inkluzije u BH , UNICEF , Sarajevo , novembar 2009. dostupno na europa.ba
- Analiza pravnog i institucionalnog okvira u Kantonu Sarajevo u svrhu smanjivanja siromaštva i socijalne isključenosti u Kantonu Sarajevo
- JU „Služba za zapošljavanje Kantona Sarajevo“ , Bilten mart 2018.godine
- Ministarstvo za rad, socijalnu politiku, raseljena lica i izbjeglice, „Izveštaj o stanju u oblasti zaštite porodice sa djecom u 2017.godini, mart 2018.godine“
- Služba za rad, socijalna pitanja, zdravstvo, izbjeglice i raseljena lica Općine Ilidža, Izveštaj o radu 2015.g,2016.g i 2017.g.
- Zavod za planiranje razvoja Kantona Sarajevo, Demografska analiza Kantona Sarajevo po općinama u periodu 2013-2016.godine , februar 2017.godine
- Informacija -Službe socijalne zaštite općine Ilidža br, 35/V-08-530-919/18 od 03.05.2018.godine
- Informacija za djecu i omladinu sa posebnim potrebama na području općine Ilidža br. 35/V-01-530-30/18 od 05.06.2018.godine

#### Socijalna zaštita

Socijalna zaštita je organizovana djelatnost usmjerena na osiguranje socijalne sigurnosti građana i njihovih porodica u stanju socijalne potrebe. **Socijalnom potrebom u smislu člana 11. Federalnog zakona, smatra se trajno ili privremeno stanje u kojem se nađe pojedinac ili porodica uzrokovana ratnim događajima, elementarnim nesrećama, općom ekonomskom krizom psihofizičkim stanjem pojedinca ili iz drugog razloga , koji se ne mogu otkloniti bez pomoći drugog lica.**

Postupak za ostvarivanje prava u oblasti socijalne zaštite u prvom stepenu provodi Kantonalni centar za socijalni rad putem službi socijalne zaštite prema mjestu prebivališta podnosioca zahtjeva , dok u drugostepenom upravnom postupku rješava Ministarstvo.

Korisnici u oblasti socijalne zaštite u skladu sa Federalnim i Kantonalnim zakonom i podzakonskim aktima ostvaruju sljedeća prava :

- Stalna novčana pomoć
- Novčana naknada za pomoć i njegu od strane druge osobe
- Jednokratna novčana pomoć
- Izuzetna novčana pomoć
- Osposobljavanje za život i rad ( novčana naknada za vrijeme čekanja na zaposlenje )
- Smještaj u drugu porodicu
- Smještaj u ustanovu socijalne zaštite
- Zdravstvena zaštita
- Subvencije troškova grijanja
- Plaćanje toškova dženaze /sahrane/ ukopa
- Topli obrok u javnim kuhinjama
- Troškovi ljekarske komisije

-Stalna novčana pomoć sa dodatkom za plaćanje komunalnih usluga zaključno sa 31.12.2017.godine ostvarilo je 68 korisnika na Ilidži u novčanom iznosu od 120,00KM. Domaćinstva koja su ostvarila pravo na stalnu novčanu pomoć ostvaruju pravo na novčani dodatak na ime plaćanja komunalnih troškova u iznosu od 50,00KM . Na osnovu podataka iz

Izveštaja o stanju u oblasti socijalne zaštite u 2017. Godini Ministarstva za rad, socijalnu politiku, raseljena lica i izbjeglice prosječno mjesečno najveći broj korisnika evidentiran je u općini Novi Grad 123, a najmanje u općini Vogošća (13) korisnika.

- Novčana naknada za pomoć i njegu od strane druge osobe u 2017. godini prosječno mjesečno ostvarilo je 364 korisnika u novčanom iznosu do 90,00KM. Prosječno mjesečno najveći broj korisnika prava evidentiran je u općini Novi Grad (394) a najmanji u općini Trnovo (103) korisnika.

-**Jednokratna novčana pomoć u 2017. godini** prosječno mjesečno ostvarilo je 7 korisnika. Prosječno mjesečno najveći broj korisnika evidentiran je u općini Novi Grad (21) a najmanje u općini Trnovo (1) korisnika ovog prava.

-**Izuzetnu novčanu pomoć u 2017. godini** prosječno mjesečno ostvarilo je 2 korisnika u novčanom iznosu od 240,00KM.

- **Novčanu naknadu za vrijeme čekanja na zaposlenje** za lica osposobljena za život i rad u 2017. godini prosječno mjesečno ostvarilo je 65 korisnika u novčanom iznosu od 120 KM

-**Smještaj u drugu porodicu u 2017. godini prosječno mjesečno** ostvarilo je 8 korisnika u novčanom iznosu u visini 80% cijene smještaja u odgovarajuću ustanovu socijalne zaštite i to za smještaj djece 476,00KM, smještaj starih lica koja su pokretna 325,60KM, smještaj starih lica koja su nepokretna 501,60KM, smještaj lica sa invaliditetom koja su pokretna 376KM i smještaj lica koja su nepokretna 536,00KM.

-**smještaj u ustanovu socijalne zaštite** u 2017. godini prosječno ostvarila su 133 korisnika. Cijena smještaja korisnika i usluga koje pruža ustanova socijalne zaštite utvrđena je zaključkom Vlade Kantona Sarajevo, pojedinačno za svaku ustanovu. Zaključno sa 31.12.2017. godine ukupan broj korisnika-odraslih lica je 88 a ukupan broj djece korisnika 32.

-**zdravstvena zaštitu u 2017. godini** ostvarilo je prosječno mjesečno 363 korisnika u novčanom iznosu od 20,00KM po korisniku.

-**subvencioniranje troškova grijanja u 2017. godini** ostvarilo je (u periodu grejne sezone - januar, februar, mart, novembar, decembar) prosječno mjesečno 46 korisnika, odnosno ukupan broj korisnika za grejnu sezonu u periodu od 01.11.2017. godine do 31.03.2018. godine je 98 korisnika.

-**plaćanje troškova dženaze/ sahrane/ ukopa** u 2017. godini prosječno mjesečno realizovano je za 1 lice. Troškovi dženaze /sahrane /ukopa obuhvataju troškove tehničkog dijela i troškove vjerskog obreda, a plaćanje se vrši na osnovu ispostavljenih faktura od strane pogrebnih društava.

-**pravo na topli obrok u javnim kuhinjama** Kantona sarajevo u 2017. godini prosječno mjesečno ostvarilo je 466 korisnika. Pravo na topli obrok osiguravaju kuhinje: „Crveni križ“, „Merhamet“, „Kruh svetog Ante“ i „Caritasa „

Na osnovu iznesenih podataka a što se može vidjeti iz Izveštaja o stanju u oblasti socijalne zaštite u 2017. godini Ministarstva za rad, socijalnu politiku, raseljena lica i izbjeglice je da je ukupan broj korisnika prava iz oblasti socijalne zaštite u 2017. godini za općinu Ilidža iznosio 3.541, što čini 13,95% ukupnih davanja u Kantonu Sarajevo. U izveštaj o stanju u oblasti socijalne zaštite u 2017. Godine Ministarstva za rad, socijalnu politiku, raseljena lica i izbjeglice navedeno je da je došlo do smanjenja broja korisnika materijalnih prava u svim općinama Kantona sarajevo izuzev u općinama Centar, novo Sarajevo i Hadžići.

Analizirajući podatke smatramo značajnim ponovo istaći činjenicu da i pored velikog broja prava i izdvojenih budžetskih sredstva na godišnjem nivou, položaj korisnika socijalne zaštite na području općine Ilidža nije na zadovoljavajućem nivou, jer visina naknada koju ostvaruju nije dovoljna da zadovolji njihove potrebe, se samim tim ove naknade bitno ne utiču na poboljšanje socijalnog stanja u kojem se korisnici nalaze. Utvrđene visine naknada nisu se mijenjale od 2008. godine zbog činjenice da u skladu sa Kantonalnim Zakonom koeficijent za

obračun prosječne neto plaće utvrđuje se svake godine i istim se prosječna plaća drži na nivou od 600,00KM. Izuzetak je samo naknada za subvencioniranje grijanja koja se u 2017. Godini sa 70,00KM povećana na 80,00KM za mjesec januar, februar i mart, te na 90,00KM za mjesec novembar i decembar.

Na osnovu statističkih podataka vidljivo je da je došlo do smanjenja broja korisnika materijalnih prava te upućuje da je socio-ekonomska situacija stanovništva pvoljna a što ne odgovara realnoj slici socijalnog statusa građana općine Ilidža. Kontinuirani pad broja korisnika socijalne zaštite na području općine Ilidža a i Kantona Sarajevo možemo objasniti niskim iznosom cenzusa propisanih zakonskim i podzakonskim aktima a koji se kreću u rasponu od 70,00KM DO 120,00KM i koji se nisu mijenjali od 2002.godine.

*Iz navedenih podataka evidentan je najveći porast broja korisnika u kategorijama korisnika koji su materijalno neosigurani i za rad nesposobni i koji nemaju dovoljno sredstava za podmirenje osnovnih životnih potreba , a što je pokazatelj porasta siromaštva u Kantonu sarajevo a i na području općine Ilidža. \*1*

### **Prava iz oblasti zaštite porodice sa djecom**

U oblasti zaštite porodice sa djecom u skladu sa zakonskom regulativom , porodice i djeca u Kantonu Sarajevo mogu ostvariti sledeća prava:

- Dodatak na <sup>1</sup>djecu
- zdravstvenu zaštitu djeteta
- Naknadu umjesto plaće ženi-majci u radnom odnosu , za vrijeme dok odsustvuje sa posla radi trudnoće , porođaja i njege djeteta
- Novčana pomoć nakon porođaja ženi- majci koja nije u radnom odnosu
- Jednokratna pomoć za opremu novorođčeta
- Pomoć za prehranu djeteta do šest mjeseci ili dodatnu ishranu za majku –dojilju
- Smještaj djece uz osiguranu ishranu u ustanovanma predškolskog odgoja

**-Dodatak na djecu je u 2017.godini ostvarilo prosječno mjesečno 2.124 korisnika**

Dodatak na djecu koji se ostvaruje po osnovu imovinskog cenzusa iznosio je 33,00KM do novembra a od novembra isplaćuje se u iznosu od 42,00KM . Broj korisnika koji ostvario pravo na doadatak na djecu po osnovu imovinskog cenzusa iznosio je prosječno mjesečno 946 korisnika , odnosno 2030 djece.

Pravo na uvećani dodatak na djecu ostvarilo je prosječno mjesečno 416 korisnika, odnosno 673 djece. Uvećani dodatak na djecu do novembra mjeseca iznosio je 49,50KM a od novembra je povećan na 63,00KM po djetetu.

---

<sup>1</sup> Ministarstvo za rad, socijalnu politiku, raseljena lica i izbjeglice , Izvještaj o stanju u oblasti socijalne zaštite u 2017.godini, mart 2018.godine

**-Zdravstvena zaštita djece do 15 godina** u 2017. godini prosječno mjesečno ostvarilo je 331 korisnik. Prosječno mjesečno najveći broj korisnika u Kantonu Sarajevo evidentiran je na području općine Ilidža .

**Naknada umjesto plaće ženi majci u radnom odnosu, za vrijeme dok odsustvuju sa posla radi trudnoće, porođaja i njege djeteta** u 2017. godini ostvarilo je prosječno mjesečno 280 korisnica . Visina ove naknade ne može biti manja od najniže plaće u FBH koja se obračunava u skladu sa Općim kolektivnim ugovorom za teritoriju FBH. Na ovaj iznos zaposlenoj porodilji uplaćuju se doprinosi za PIO, zdravstvo i osiguranje od nezaposlenosti i izmiruju se poreske obaveze u skladu sa Zakonom .

**-Novčanu pomoć nakon porođaja ženi-majci koja nije u radnom odnosu** ili se nalazi na redovnom školovanju u 2017. godini prosječno mjesečno je ostvarili 326 nezaposlenih porodilja u novčanom iznosu od 180,00KM u periodu jedne godine neprekidno.

**-Jednokratna pomoć za opremu novorođenog djeteta** u 2017. godini prosječno mjesečno 11 porodilja u novčanom iznosu od 210,00KM jednokratno.

**-Pomoć u prehrani djeteta do šest mjeseci i dođana ishrana za majku – dojilju** u 2017. godini ostvarilo je prosječno mjesečno 15 porodilja.

**-Subvencioniranje smještaja djece uz osigurani ishranu u ustanovama predškolskog odgoja** u 2017. godini ostvarila su prosječno mjesečno 33 korisnika u novčanom iznosu zavisno od visine odobrenih sredstava za subvencioniranje troškova smještaja u predškolskoj ustanovi.

Kao što je naprijed navedeno, kada je u pitanju zaštita porodice sa djecom, vidljivo je da se prosječno mjesečno najveći dio sredstava izdvaja za naknade umjesto plaće ženi- majci u radnom odnosu. Mišljenja smo da bi Ministarstvo trebalo uložiti više napora da se ova naknada dislocira iz ove oblasti na način da sve porodilje u FBH pod istim uslovima ostvaruju ovo pravo dok odsustvuju sa posla, u visini svoje plaće ostvarene kod poslodavca a ne da se tretiraju kao socijalna kategorija. U 2017. godini usvojene je Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštite porodice sa djecom kojim je jednostavniji način regulisano pravo na uvećani dječiji dodatak na djecu za bolesnu djecu i djecu sa invaliditetom (omogućeno je ostvarivanje ovog prava i ukoliko je neki od članova domaćinstva vlasnik i posjednik motornog vozila, te je proširen broj dječiji bolesti na osnovu kojih se može ostvariti pravo na uvećani dodatak na djecu). U 2017. godini su također povećani iznosi dodatka na djecu sa 33,00KM na 42,00KM i uvećenog dodatka na djecu sa 49,50KM na 63,00KM. \*2

#### *Zdravstvena zaštita*

Obavezno zdravstveno osiguranje i s tim u vezi ostvarivanje prava na zdravstvenu zaštitu ostvaruje se u skladu sa Zakonom o zdravstvenom osiguranju («Službene novine Federacije BiH», broj 30/97 i 7/02) i podzakonskim aktima donesenim na osnovu Zakona. a bi se koristilo pravo na zdravstvenu zaštitu u okviru obaveznog zdravstvenog osiguranja u skladu sa članom 19. Zakona, potrebno je steći svojstvo osiguranika.

Osiguranik se postaje:

- po osnovu rada (u preduzećima, ustanovama, kod pravnog ili fizičkog lica, međunarodnim organizacijama, konzularnim ili diplomatskim predstavništvima, zemljoradnici)
- korisnici penzija,

<sup>2</sup> Ministarstvo za rad, socijalnu politiku, raseljena lica i izbjeglice, Izvješta o stanju u oblasti zaštite porodice sa djecom u 2017. godini, mart 2018. godine



- nezaposlena lica pod uslovima iz Zakona,
  - lica kojim je priznato svojstvo ratnog, mirnodopskog i civilnog invalida rata,
  - lica koja u skladu sa članom 27. Zakona sami plaćaju obavezno zdravstveno osiguranje
- Osigurana lica su članovi porodice osiguranika i to:
- supružnik (bračni i vanbračni saglasno propisima o braku i porodici),
  - djeca (rođena u braku, van braka, usvojena ili pastorčad( i druga djeca bez roditelja ako ih osiguranik izdržava,
  - roditelj (otac, majka, očuh, maćeha, usvojitelji osiguranika) ako ih izdržava,
  - unuci, braća, sestre, djed i baka ako su nesposobni za samostalni život i rad i ako nemaju sredstava za izdržavanje, pa ih osiguranik izdržava.

U nadležnosti i djelokrugu rada koje obavlja Služba za rad, socijalna pitanja, zdravstvo, izbjeglice i raseljena lica obuhvaćeni su slijedeći oblici socijalne zaštite:

- Zdravstvena zaštita civilnih žrtava rata i članova porodice civilnih žrtava rata;
- Zdravstvena zaštita raseljenih lica i povratnika;
- Zdravstvena zaštita lica iznad 65. godina života;
- Zdravstvena zaštita djece uzrasta do 15. godina starosti;
- Zdravstvena zaštita osoba koja se nalaze u stanju socijalne potrebe;

**Zdravstvena zaštita civilnih žrtava rata i članova porodice civilnih žrtava rata** - Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj: 36/99, 54/04, 39/06 i 14/09) i Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst - i 38/16), utvrđeno je da **civilne žrtve rata** koje su ostvarile pravo na ličnu invalidninu, mjesečno lično novčano primanje, dodatak za njegu i pomoć od strane drugog lica ili ortopedski dodatak i **članovi porodice civilne žrtve rata koji su ostvarili pravo na porodičnu invalidninu**, imaju pravo na zdravstvenu zaštitu pod uslovom da ne ispunjavaju uslove za ostvarivanje ovog prava po nekom drugom osnovu, u skladu sa propisima o zdravstvenom osiguranju.

Članovi porodice navedenih lica koji ne ostvaruju zdravstvenu zaštitu po drugom osnovu, takođe imaju pravo na zdravstvenu zaštitu u skladu sa propisima o zdravstvenom osiguranju, koji su utvrđeni za članove porodice drugih kategorija osiguranika.

Na osnovu evidencija koje vodi Služba evidentno je da je broj korisnika navedenog prava u 2016. i 2017. godini bio isti ( april 2016. i 2017. -71 korisnik) dok broj korisnika u aprilu 2018.godine bilježi neznatan pad ( april 2018. - 63 korisnika).

**Zdravstvena zaštita raseljenih lica i povratnika** - Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj: 15/05 ) i Zakonom o raseljenim licima – prognanicima i izbjeglicama-povratnicima u Kantonu Sarajevo ("Službene novine Kantona Sarajevo", broj: 27/05 - Prečišćeni tekst ), utvrđeno je da raseljena lica i povratnici ostvaruju pravo na zdravstvenu zaštitu pod uslovom da to pravo nisu mogli ostvariti po nekom drugom osnovu u skladu sa propisima o zdravstvenom osiguranju.

Dakle, korisnici zdravstvene zaštite su raseljena lica i povratnici koja ovo pravo ne mogu ostvariti po nekom drugom osnovu, odnosno lica koja ne ostvaruju zdravstvenu zaštitu kao osiguranici po osnovu radnog odnosa ili obavljanja samostalne djelatnosti, niti kao penzioneri, privremeno nezaposlena lica i sl.

Raseljena lica koja su ostvarila pravo na zdravstvenu zaštitu / osim interno raseljenih osoba /, saglasno navedenim propisima dužna su svakog mjeseca prijaviti se Službi radi evidentiranja nastavka ostvarivanja prava na zdravstvenu zaštitu. Broj korisnika navedenog

prava u posljednje tri godine bilježi blago opadanje ( april 2016=118, april 2017=110, april 2018=100). Opadanje u broju korisnika navedenog prava možemo vidjeti i u činjenici da se smanjuje broj raseljenih lica.

U okviru navedenog prava pravo na zdravstvenu zaštitu ostvarilo je i pet povratnika u Gornji Kotorac.

**Zdravstvena zaštita lica iznad 65. godina života-** Lica sa prebivalištem na području Općine Ilidža starije od 65. godina života, ako nisu osigurana ni po kom drugom osnovu, mogu ostvariti pravo na zdravstvenu zaštitu u skladu sa odredbama Zakona o zdravstvenoj zaštiti ("Službene novine Federacije BiH", broj: 46/10).

Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo ("Službene novine Kantona Sarajevo", broj: 29/09), propisano je da se doprinosi za ove kategorije osiguranika uplaćuju u paušalnom iznosu od 20 KM po prijavljenom licu. Sredstva za zdravstvenu zaštitu lica starijih od 65. godine života obezbjeđuju se iz budžeta Kantona, a obveznik uplate doprinosa je Ministarstvo za rad, socijalnu politiku, raseljena lica i izbjeglice Kantona Sarajevo.

Broj korisnika po ovom osnovu u posljednje tri godine je varirao pa je tako u aprilu mjesecu 2016 na osiguranju se nalazilo 292 lica, aprilu 2017. godine 281 lice i april 2018.godine 300 lica.

**Zdravstvena zaštita djece uzrasta do 15. godina starosti-** Djeci od rođenja do navršениh 15. godina života osigurava se zdravstvena zaštita u skladu sa Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst - i 38/16). Broj korisnika navedenog prava se u posljednje tri godine povećava pa tako u arliu 2016. godine osigurano je 312 – tero djece do 15 godina života . Također, treba napomenuti da veći dio osigurane djece su djeca iz Romske populacije. Pa tako od ukupnog broja u 2016.godini 312 je 184 djeteta Romske populacije, 2017.godinu od ukupnog broja 327 djece , 200 djece je Romske populacije i u aprilu 2018.godine od ukupno 341 djeteta 203 djece je iz reda Romske populacije.

**Zdravstvena zaštita osoba koja se nalaze u stanju socijalne potrebe** - Osobe koje se nalaze u stanju socijalne potrebe imaju pravo na zdravstvenu zaštitu ukoliko ovo pravo nisu ostvarile po drugom osnovu a u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst - i 38/16) i Zakonom o zdravstvenom osiguranju (Službene novine FBH broj 30/97). O navedenom pravu odlučuje nadležna Općinska služba a na osnovu pribavljenih socijalnih anamneza od strane Službe socijalne zaštite općine Ilidža kojom se utvrđuje stanje socijalne potreba podnosioca zahtjeva

*Ovo pravo ne mogu ostvariti osobe koje su bile osigurane putem Javne ustanove „Služba za zapošljavanje“ Kantona Sarajevo i pravo na zdravstvenu zaštitu izgubile neredovnim javljanjem.*

Broj korisnika se navedenog prava je u konstantnom porastu što se vidi po broju korskika u aprilu mjesecu za 2016. ( 143 lica osigurana) , 2017. (195 osiguranih lica) i u 2018.godini 201 (lice osigurano). Veći dio korskika navedenog prava čine pripadnici romske populacije . Od ukupnog broja korisnika u aprilu 2018 imamo 87 korisnika Romske populacije.

Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo ("Službene novine Kantona Sarajevo", broj:29/09), propisano je da se doprinosi za sve kategorije osiguranika uplaćuju u paušalnom iznosu od 20 KM po prijavljenom licu.

- **Na osnovu navedenog broj korisnika prava prava na zdravstveno osiguranje koje korisnici ostvaruju posredstvom Službe je 1005korisnika.**

## Stanovništvo – općine Ilidža

Radi boljeg shvatanja iznosimo činjenice koje se odnose na stanovništvo. Stanovništvo predstavlja demografski okvir za formiranje radne snage koja pokreće i usmjerava sve djelatnosti u prostoru. Sve promjene i poremećaji u demografskom razvoju (kretanje broja stanovnika, prirodno kretanje, migracije i demografske strukture) odražavaju se na dinamiku i smjer društvenoekonomskog razvoja. Sredinom 2016. godine na području Ilidže živi 69.164 stanovnika, što Ilidžu stavlja na drugo mjesto po koncentraciji stanovništva u Kantonu Sarajevo što čini 16,6% učešća ukupnog stanovništva .<sup>\*3</sup>

Starosna struktura stanovništva ukazuje da općina Ilidža ima relativno mlađe stanovništvo. Tako se prema biološkom tipu stanovništvo općine Ilidža se transformiše u stacionarni tip stanovništva, jer se povećava učešće mladih, a smanjuje učešće starije dobi u ukupnom stanovništvu

Najveće povećanje učešća radnog kontigenta unutar Kantona Sarajevo bilježi općina Ilidža sa 16,3% u 2013. na 16,7% u 2016. godini.

Na području općine Ilidža u 2016.godine rođeno je 721 stanovnik a stopa nataliteta iznosila je 10,8 promila. Broj živo rođenih bilježi rast sa 10,4 promila u 2013 na 10,8 promila u 2016. godini) .Zabilježen je i rast prirodnog priraštaja za 2,5 promila.

Na osnovu Demografske analize Kantona Sarajevo po općinama u periodu 2013-2016. godine koju je izradio Zavod za planiranje razvoja Kantona Sarajevo evidentno je na području općine Ilidža dolazi do pomjeranja u strosnoj strukturi u pravcu povećanja učešća mlađeg stanovništva a do smanjenja stanovništva iznad 65. godina.\*3

Stanovništvo u BH suočava se sa mnogim socijalnim rizicima koje bi trebali rješavati sistemi socijalne zaštite i socijalne inkluzije. Ti rizici uključuju dugoročnu nezaposlenost, nezaposlenost omladine, bolest, loše standarde u obrazovanju, povećanje tenzija u porodici koje dovode do povećanja broja razvoda, ugroženost djece , nezadovoljstvo prema mladima koje dovodi do povećanje problema alkoholizma , ovisnosti o drogama i drugim socijalnim potreba, starenje stanovništva uz prateće potrebe za uslugama njege, te marginalizaciju ugroženih kategorija kao što su lica sa invaliditetom i ROMI \*4

Nezaposlenost je sigurno najvažnija dimenzija socijalne isključenosti. Opća je ocjena da je dugoročna nezaposlenost veoma visoka tako da prema podacima Zavoda za zapošljavanje

---

<sup>3</sup> Zavod za planiranje razvoja Kantona Sarajevo, Demografska analiza Kantona Sarajevo po općinama u periodu 2013-2016.godine , februar 2017.godine

<sup>4</sup> \*Analiza nedostataka u oblasti politika socijalne zaštite i inkluzije u BH , UNICEF , Sarajevo , novembar 2009. dostupno na europa.ba)


(Bilten mart 2018) zaključno sa 31.03.2018.godine od ukupnog broja 10803 korisnika evidentirana na BIRO-u Iliđa 3540 lica na zaposlenje čeka preko 9 godina, tj. 32,76% .<sup>5</sup>

Na osnovu podataka dolazi se do ocjene da je dugoročna nezaposlenost veoma visoka . Kvalifikaciona struktura pokazuje da je najveći broj nezaposlenih lica sa srednjom stručnom spremom ( 3364 ili 31,4% ), zatim nekvalifikovanih radnika ( 3037 ili 28,11%) te kvalifikovanih radnika ( 2934 ili 27.15.%)<sup>6</sup>.

Razmatrajući širi koncept socijalne isključenosti, procjenjuje se da je stopa socijalne isključenosti u KS 51,4% . To znači da je svaki drugi stanovnik KS po nekom osnovu socijalno isključen.

U kontekstu analize siromaštva i socijalne isključenosti treba se podsjetiti na rezultate Popisa 2013 . godine koji se odnose na obrazovnu strukturu siromaštva . Naime, nesumnjivo je da je obrazovanje ključno za ljudski napredak. Obrazovanje je ključno i za razvoj ljudskog kapitala, koji se u novije vrijeme prepoznaje kao faktor razvoja, za razvoj ličnosti i razvoj ljudskog kapitala, za razvoj ličnosti, ključno je za ostvarivanje socijalne pravde i ljudskih prava , socijalne uključenosti itd. Na području općine Iliđa a prema podacima JU „Službe za zapošljavanje KS“ od ukupnog broja stanovnika (69.164.okvirna procjena 30.06.2017.)\*stopa nepismenosti iznosi 0,93% nešto je niža u odnosu na stopu nezaposlenosti evidentiranu u KS .

Radi pomoći socijalno najugroženijem stanovništvu općina Iliđa je Odlukom Općinskog Vijeća od 10.06.2004.godine na osnovu kriterija za dodjelu novčane pomoći socijalno najugroženijim licima na području općine Iliđa kontinuirano vrši dodjela novčane pomoći za socijalno najugroženija lica. Pomoć se isplaćuje u iznosu od 50,00KM do 800,00KM u skladu sa kriterijima. U Zadnje tri godine iz budžeta Općine je izdvojeno ukupno 432.100,00KM (to 2015=143.600,00KM; 2016=150.850,00KM; 2017=137.650,00KM) za pomoć najugroženijem .




Iz budžeta Općine vršena je dodjela novčanih pomoći u participiranju liječenja teško oboljelih lica . Na osnovu podataka iz protekle tri godine može se zaključiti da je broj zahtjeva je rastao.\*<sup>7</sup>

<sup>5</sup> Analiza pravnog i institucionalnog okvira u Kantonu sarajevo u svrhu smanjivanja siromaštva i socijalne isključenosti u Kantonu Srajevo)

<sup>6</sup> JU „Služba za zapošljavanje Kantona Sarajevo“ , Bilten mart 2018.godine

<sup>7</sup> Služba za rad, socijalna pitanja, zdravstvo, izbjeglice i raseljena lica Općine Iliđa, Izvještaj o radu 2015.g,2016.g i 2017g.

### Sredstva izdvojena za pomoć u liječenju teško oboljelih lica



- Izdvojena sredstva za 2015. godinu
- Izdvojena sredstva za 2016. godinu
- Izdvojena sredstva za 2017. godinu

#### *Socio ekonomska slika*

O problemu siromaštva u BiH sa statističkog stajališta je nemoguće govoriti iz razloga što statistički sistem ne mjeri dinamiku kretanja siromaštva poslije 2011. godine.

Postojeći sistem socijalne zaštite je okrenut „naopačke“, statusna prava su osnov da postanete korisnik a ne stvarna potreba korisnika.

Ekonomsku i društvenu poziciju općine Ilidža dijelom određuje činjenica da je u sklopu Kantona Sarajevo, kao i glavnog grada Bosne i Hercegovine i Federacije Bosne i Hercegovine. Glavni gradovi predstavljaju administrativno političke centre, finasijske centre, obrazovno-naučno – istraživačke centre i centre kulturnog života države.

UN istraživanja pokazuju da svaki šesti stanovnik BiH živi od 3-5 KM dnevno (90-150KM mjesečno), tj 17% stanovništva je u ekstremnom siromaštvu daleko ispod apsolutne linije siromaštva. Postojeći sistem socijalne zaštite je okrenut „naopčke“, statusna prava su osnov da postanete korisnik a ne stvarna potreba korisnika. Zato više socijalnih transfera dobijaju oni kojima ne treba, nego oni kojima je pomoć zaista potrebna. Sistem je potpuno pasivan u pogledu radne aktivacije korisnika držeći ih u stanju radne i socijalne isključenosti.

#### *Položaj djece i omladine sa posebnim potrebama*

Ministarstvo za rad, socijalnu politiku, raseljene osobe i izbjeglice Kantona Sarajevo, u svom dopisu, akt broj: 13-03-35-34173/10, od 18.10.2010., navodi kako je u nadležnosti ovog Ministarstva specijalno obrazovanje djece s posebnim potrebama regulirano Zakonom o socijalnoj zaštiti, zaštiti civilnih žrtava rata i zaštiti porodice s djecom i Pravilnikom o utvrđivanju preostale sposobnosti i kategorizaciji djece i omladine ometene u psihofizičkom razvoju. Djeca sa smetnjama u psihofizičkom razvoju ostvaruju prava iz socijalne zaštite i imaju socijalna davanja propisana navedenim Kantonalnim zakonom. U praksi se koriste dva termina i to „djeca sa posebnim potrebama“ i „djeca sa poteškoćama u razvoju“. Bitno je napraviti razliku pa tako Posebne potrebe djeteta mogu biti privremene ili trajne i kao takve razlikujemo:

**Potencijalne posebne** potrebe može imati dijete koje tijekom trudnoće, poroda ili nakon poroda imalo neke rizične faktore (npr. Prerano rođeno dijete, teški porodi i dr.) koje je bilo ili je još izloženo nekim nepovoljnim okolnostima (npr. Nepotpuna obitelj, bolste u porodici i dr.) ili dijete kod kojeg neki aspekt razvoja značajnije odudara od ostalih, odnosno koje se u nečemu znatno razlikuje od ostale djece u skupini (sporiji mototrički razvoj, izrazito živahno dijete)

**Prolazne posebne potrebe** može i mati dijete zbog razvoja raskoraka između djetetovih potreba i mogućnosti u pojedinim fazama razvoja ( npr. Negativizam u trećoj i šestoj godini) ili dijete koje je doživjelo neke stresne događaje u životu ( npr. Smrt u porodici, boravak djeteta ili roditelja u bolnici, rođenje brata/sestre

**Trajne posebne potrebe** može imati dijete kod kojeg neke potencijalne ili prolazne potrebe nisu na vrijeme uočene ili pravilno tretirane, dijete koje je bez roditeljske brige duže odgajano u dječijem domu, bolnici i sl. Darovito dijete te dijete s teškoćama u razvoju. Teškoće u razvoju su urođene ili stečena stanja organizma koja prema svojoj prirodi zahtjevaju poseban stručni pristup kako bi se omogućilo izražavanje i razvoj sačuvanih sposobnosti a time što kvalitetniji život.

**Dakle, izjednačavanje pojmova „djeca sa posebnim potrebama“ i „ djeca sa poteškoćama u razvoju „ je pogrešno, budući da nisu sve potrebe djece uzrokovane teškoćama u razvoju.**

Najveći broj djece s posebnim potrebama uključuje djecu s prolaznim, zatim potencijalnim i naposljetku trajnim posebnim potrebama. Važno je izbjeći prerano etiketiranje djeteta s posebnim potrebama te uočiti njegove dobre osobine i sposobnosti. Dok je s jedne strane važno izbjeći prerano etiketiranje djeteta, s druge strane se, u praksi, događa da se prolazne i potencijalne posebne potrebe djeteta gotovo redovito svode na razinu individualnih razlika i neadekvatno tretiraju. Najčešći razlozi tome su neznanje, nedostatak vremena i motivacije za radom i sl. To dugoročno može biti štetno za dijete budući da se netretirane prolazne i potencijalne posebne potrebe mogu razviti u trajne posebne potrebe. S druge strane, teškoće u razvoju se puno brže i lakše mogu uočiti, a nakon toga dijagnosticirati i tretirati.

Prema Državnom pedagoškom standardu predškolskog odgoja i obrazovanja u djecu s teškoćama u razvoju ubrajaju se:

- djeca oštećenoga vida;
- djeca oštećenoga sluha;
- djeca s poremećajima govorno-glasovne komunikacije;
- djeca s promjenama u ličnosti uvjetovanim organskim čimbenicima ili psihozom;
- djeca s poremećajima u ponašanju;
- djeca s motoričkim oštećenjima;
- djeca sa smanjenim intelektualnim sposobnostima (djeca s mentalnom retardacijom);
- djeca s autizmom;
- djeca s višestrukim teškoćama u razvoju;
- zdravstvene teškoće i neurološka oštećenja (dijabetes, astma, bolesti srca, alergije, epilepsija i slično).

Najčešći su načini identifikacije djece s posebnim potrebama, u dječjem vrtiću od strane predškolskog psihologa, razgovor s roditeljima i odgojiteljima, neposredno promatranje djeteta u odgojnoj skupini, psihologijsko testiranje te podaci drugih stručnih suradnika. Zadaća je predškolskog psihologa, u odnosu na djecu s posebnim potrebama, pronaći najbolje odgojne postupke za stimuliranje njihova optimalnog psihofizičkog razvoja i integracije među vršnjake.

Na osnovu podataka koji su nam dostavljeni od strane Službe socijalne zaštite Iliđža a na osnovu izvoda iz matične evidencije Službe od 01.01.1996.godine do 01.06.2018.godine ukupno je kategorisano i rekatogrisano 280-ero djece i omladine ometene u psihofizičkom razvoju. U međuvremenu, veći broj djece i omladine ometene u psiho-fizičkom razvoju je stekao punoljetstvo. Prvostepena stručna komisija za ocjenjivanje sposobnosti i razvrstavanje

djece i omladine ometene u psiho-fizičkom razvoju je Nalazom i mišljenjem 58 (pedesetosmero) djece razvrstala u kategoriju lica sa kombinovanim smetnjama 5 (petero) djece u kategoriju lica sa oštećenjem sluha i govora 3 (troje). Lako mentalno retardirane djece, sa tjelesnim oštećenjem 3 (troje) i 1 dijete sa oštećenjem vida –slijepo lice.

Pravilnikom koje je donijelo Ministarstvo za rad, socijalnu politiku, raseljena lica i izbjeglice KS je regulisan cjelokupan postupak kategorizacije i rekategorizacije djece i omladine ometene u psiho-fizičkom razvoju .

Postupak za utvrđivanje preostale sposobnosti i razvrstavanje djece i omladine ometene u psiho-fizičkom razvoju pokreće i vodi Služba socijalne zaštite po službenoj dužnosti, po zahtjevu roditelja, ustanove zdravstvene djelatnosti, odgojno-obrazovne ustanove i invalidskih udruženja .

U prosjeku , tokom tekuće godine na općini se kategoriše od 10-12 djece i omladine s tim da je taj broj bio znatno veći tokom 2014. i 2015. godini zbog izmjene Zakona o socijalnoj zaštiti KS u dijelu koji se odnosi na dječiji dodatak.

Uglavnom, gotovo sva djeca i omladina sa područja općine Ilidža a koja su kategorisana , ostvarila su pravo na novčanu naknadu u skladu sa odredbama FZ o socijalnoj zaštiti ( lična invalidnina, dodatak za njegu i pomoć od strane druge osobe i ortopedski dodatak).

U skladu sa Zakonom o socijalnoj zaštiti KS, dijete koje je osposobljeno za život i rad, ostvaruje pravo na novčanu naknadu za vrijeme čekanja na zaposlenje u mjesečnom novčanom iznosu od 120,00KM dok se nalazi na evidenciji nezaposlenih osoba Biroa-a za zapošljavanje Kantona Sarajevo. Pravo na navedenu novčanu naknadu prestaje ukoliko dijete iza smrti roditelja ostvari pravo na porodičnu penziju.

Odlukom općinskog načelnika a u skladu sa bužetom Općine svake godine se odobravaju sredstva za isplatu jednokratnih novčanih pomoći u iznosima od 300,00KM za teža tjelesna i mentalna oboljenja i 200,0KM za lica sa umjerenim mentalnim retardacijama, zdravstvenim teškoćama i neurološkim oštećenjima ( dijabetes, astma, bolste srca, epilepsija i sl.). u evidencijama Službe za rad, socijalna pitanja, zdravstvo, izbjeglice i raseljena lica nalazi se 98 osoba sa težim mentalnim i tjelesnim oštećenjima kao i 194 lica sa umjerenim tjelesnim oštećenjima , zdravstvenim teškoćama i neurološkim oštećenjima.

## Zaključne napomene

- *Analizirajući podatke smatramo značajnim ponovo istaći činjenicu da i pored velikog broja prava i izdvojenih budžetskih sredstva na godišnjem nivou , položaj korisnika socijalne zaštite na području općine Ilidža nije na zadovoljavajućem nivou, jer visina naknada koju ostvaruju nije dovoljna da zadovolji njihove potrebe , se samim tim ove naknade bitno ne utiču na poboljšanje socijalnog stanja u kojem se korisnici nalaze . Utvrđene visine naknada nisu se mijenjale od 2008. godine zbog činjenice da u skladu sa Kantonalnim Zakonom koeficijent za obračun prosječne neto plać utvrđuje se svake godine i istim se prosječna plaća drži na nivou od 600,00KM.*
- Smanjenje broja korisnika materijalnih prava ne upućuje da je socio-ekonomska situacija stanovništva povoljnija. Pad broja korisnika socijalne zaštite na području općine Ilidža može se objasniti niskim cenzusom koji se kreću od 70,00KM-120,00KM i nisu se mijenjali od 2002.godine
- Kada je u pitanju oblast zaštite porodice sa djecom smatramo da bi Ministarstvo trebalo uložiti više napora da se ova naknada dislocira iz ove oblasti na način da sve porodilje pod istim uslovima ostvaruju ovo pravo dok odsustvuju s posla.
- Starosna struktura stanovništva upućuje da općina ilidža ima relativno mlađe stanovništvo,
- o problemu siromaštva u BH sa statističkog stajališta je nemoguće govoriti iz razloga što statistički sistem ne mjeri dinamiku kretanja stanovništva posle 2011. Godine.
- Postojeći sistem socijalne zaštite je okrenut „naopčke“, statusna prava su osnov da postanete korisnik a ne stvarna potreba korisnika.
- Dakle, izjednačavanje pojmova „djeca sa posebnim potrebama“ i „ djeca sa poteškoćama u razvoju „ je pogrešno, budući da nisu sve potrebe djece uzrokovane teškoćama u razvoju.
- Vlada Kantona Sarajevo je na 128. Sjednici održanoj 31.05.2018.godine Usvojila Akcioni plan za unapređenje prava i položaj osoba s invaliditetom u kantonu Sarajevo (20018-2020)

## PRILOG:

1. Informacija -Službe socijalne zaštite općine Ilidža br, 35/V-08-530-919/18 od 03.05.2018.godine
2. Informacija za djecu i omladinu sa posebnim potrebama na području općine Ilidža br. 35/V-01-530-30/18 od 05.06.2018.godine



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
JU "KANTONALNI CENTAR ZA SOCIJALNI RAD"  
Služba socijalne zaštite općine Ilidža  
Ul. Abdulahe efendije Kantaririje br 2B  
Tel. 033/761-610; Tel/Fax: 033/625-718

Broj: 35/V-08-530-618/18  
Datum: 03.05.2018. godine

SLUŽBA ZA RAD SOCIJALNA PITANJA,  
ZDRAVSTVO, IZBJEGLICE I RASELJENA LICA  
OPĆINA ILIDŽA

PREDMET: Informacija, dostavljena sa

veza Vaš broj JB-sl/48/18

U odnos na Vaš zahtjev broj JB-sl/48/18 od 03.04.2018. godine kojim nam tražite informaciju o socijalnoj i zdravstvenoj zaštiti, a u okviru teme "Informacije o socijalnoj i zdravstvenoj zaštiti na području općine Ilidža položaju građana u stanju socijalne potrebe, te položaju djece i onih lica sa posebnim potrebama" koja će se razmatrati na sjednici Općinskog vijeća Ilidže za period apr-il-juni 2018. godine, ta kao jednim od nosioca pripreme materijala, obavještavamo Vas o sljedećem:

Putem Službe socijalne zaštite općine Ilidža, a u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom KS, te Uredbom o subvencioniranju troškova grijanja i Uredbom o priznavanju prava na topli obrok u javnim kuhinjama KS sa slijedom 31.12.2017. godine po pravima koja ostvaruju evidentirano je sljedeće:

Stara novčana pomoć	Ukupan broj korisnika 55
Novčana naknada za vrijeme čekanja na zaposlenje	Ukupan broj korisnika 66
Novčana naknada za pomoć i njegu od strane druge osobe	Ukupan broj korisnika 358
Smještaj u ustanovi socijalne zaštite	Ukupan broj korisnika-odrasla lica 38 Ukupan broj korisnika-djeca 32
Jednokratna novčana pomoć	Broj korisnika u 2017. godini 89
Izuzetna novčana pomoć	Broj korisnika u 2017. godini 18
Zdravstvena zaštita	Ukupan broj korisnika 77
Topli obrok	Ukupan broj korisnika 173
Subvencioniranje troškova grijanja	Ukupan broj korisnika za grijnu sezonu period od 01.11.2017. godine do 31.03.2018. godine 98

8400 C8

*Prijet*  
7.05.2018.  
*Livić*

Također, u periodu od 01.01.2018.godine do 30.04.2018.godine broj novo evidentiranih korisnika po pravima koje su ostvarili je sljedeći:

Stalna novčana pomoć	Novih korisnika 2
Novčana naknada za vrijeme čekanja na zaposlenje	Novih korisnika 4
Novčana naknada za pomoć i njegu od strane druge osobe	Novih korisnika 5
Smještaj u ustanovu socijalne zaštite	Novih korisnika-odrasla lica 3 Novih korisnika-djeca 3
Jednokratna novčana pomoć	Broj korisnika od 01.01.2018.godine do 30.04.2018.godine 34
Izuzetna novčana pomoć	Broj korisnika od 01.01.2018.godine do 30.04.2018.godine 5
Zdravstvena zaštita	Novih korisnika 3
Topli obrok	Novih korisnika 9

U skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom FBiH ukupno broj korisnika koji su ostvarili prava po osnovu invalidnosti sa stanjem 30.04.2018.godine iznosi 1202 korisnika.

S poštovanjem !



Dostavljeno  
1. Nisu ovu  
Zela

BOSNA I HERCEGOVINA  
 FEDERACIJA BOSNE I HERCEGOVINE  
 KANTON SARAJEVO  
 JU "KANTONALNI CENTAR ZA SOCIJALNI RAD"  
 Služba socijalne zaštite općine Ilidža  
 Ul. Aboulaha ef. Kantamirfo broj 2-B  
 Tel. 033/761-510 Fax. 033/625-715

*Rajda*  
*6.06.18.*  
*Euning*

Broj: 35/V-01-830-30/18  
 Datum, 05.06.2018. godine

**OPĆINA ILIDŽA**  
**Općinsko vijeće**  
**ILIDŽA**

**PREDMET: Dostavljam informaciju za djecu i omladinu sa posebnim potrebama sa područja općine Ilidža.**

Dana 04.06.2018. godine u usmenom dogovoru sa Vašim zaposlenikom, dostavljam Vam informaciju za djecu i omladinu sa posebnim potrebama, a odnose se na maloljetna lica.

Vezano za navedeno, od 01.01.1996. godine do 01.06.2018. godine, uvidom u matičnu evidenciju ove Službe, ustanovljeno je da je sa područja općine Ilidža ukupno kategorisano i rekategorisano 286-oro djece i omladine ometene u psihofizičkom razvoju.

U međuvremenu, veći broj djece i omladine ometene u psihofizičkom razvoju je stekao punoljetstvo te u skladu sa dogovorom, dostavljam sranje za maloljetnu djecu i omladinu zaključno sa 01.06.2018. godine:

Privostepena stručna komisija za ocjenjivanje sposobnosti i razvrstavanje djece i omladine ometene u psihofizičkom razvoju je Nalazom i mišljenjem 58 (pedesetosmero) djece razvrstala u kategoriju lica sa kombinovanim smetnjama. 8 (petoro) djece u kategoriju lica sa oštećenjem sluha i govora, 3 (troje) lako mentalno retardirane djece, sa tjelesnim oštećenjem 3 (troje) i 1 (jedna) djeteta sa oštećenjem vida-slijepo lica.

Pravilnikom koje je donijelo Ministarstvo za rad, socijalnu politiku, raseljena lica i izbjeglice KS je regulisan cjelokupan postupak kategorizacije i rekategorizacije djece i omladine ometene u psihofizičkom razvoju.

Resom Ministarstvo je takođe Pravilnikom regulisalo i rad Drugostepene stručne komisije za rješavanje žalbi, koje se odnose na rješenja Službe ili na Nalaz i mišljenje Privostepene stručne komisije.

Postupak za utvrđivanje preostale sposobnosti i razvrstavanje djece i omladine ometene u psihofizičkom razvoju pokreće i vodi Služba socijalne zaštite po službenoj dužnosti, po zahtjevu roditelja, ustanove zdravstvene djelatnosti, odgovorno obrazovne ustanove i invalidske udruženja.

Služba prikuplja potrebnu dokumentaciju, sačinjava socijalnu anamnezu i formiran predmet dostavlja Privostepenoj stručnoj komisiji koja nakon procjene psihofizičkog zdravlja djeteta sa Nalazom i mišljenjem vraća Službi isti na osnovu čega se donosi rješenje o kategorizaciji.

U prosjeku, tokom tekuće godine, na općini Ilidža se kategorise od 10-12 djece i omladine, s tim što je taj broj bio znatno veći tokom 2014. i 2015. godine zbog izmjena Zakona o socijalnoj zaštiti KS u dijelu koji se odnosi na dječiji dodatak.

Sa priloženim rješenjem o kategorizaciji djece i omladine ometene u psiho-fizičkom razvoju, u postupku priznavanja prava na dječiji dodatak, novčani iznos istog jer uvećan.

Uglavnom, gotovo sva djeca i omladina sa područje općine Ilidža a koja je kategorisana, ostvarila je pravo na novčanu naknadu u skladu sa odredbama FZ o socijalnoj zaštiti (Lična invalidnina, Dodatak za njegu i pomoć od strane druge osobe i Ortopedski dodatak).

Zatim, u postupku rekategorizacije, Prvostepena stručna komisija daje mišljenje o mjerama koje je potrebno preduzeti na liječenju, zaštiti, vaspitanju, obrazovanju i osposobljavanju za život i rad.

U skladu sa Zakonom o socijalnoj zaštiti KS, dijete koje je osposobljeno za život i rad, ostvaruje pravo na novčanu naknadu za vrijeme čekanja na zaposlenje u mjesečnom novčanom iznosu od 120,00 KM dok se nalazi u evidenciji nezaposlenih osoba u Birou za zapošljavanje KS.

Pravo na gore navedenu novčanu naknadu prestaje, ukoliko dijete iz smrti roditelja ostvari pravo na porodičnu penziju.

Prilikom obračunavanja roditelja u ovu Službu vezano za kategorizaciju isti se upućuju na ljekarsku komisiju u oblasti PIO-a radi ocjenje o obolenju djeteta prije navršene 15-e godine starosti radi ostvarivanja prava nakon smrti roditelja u okviru Zakona o penzijsko-invalidskom osiguranju.

Takođe se roditelji upućuju na ostvarivanje prave u skladu sa odredbama već navedenog FZ o socijalnoj zaštiti.

S poštovanjem!

